

FabVest, háskóla-, iðnaðar og nýsköpunarráðuneytið, kt. 710122-0830, og mennta- og barnamálaráðuneytið, kt. 460269-2969gera með sér eftirfarandi

Samning um þátttöku í starfsemi Fab Lab á Ísafirði

1. gr.

Um FabVest

FabVest er hollvinafélag um stofnun og rekstur starfrænnar smiðju á Ísafirði. Aðilar félagsins eru Menntaskólinn á Ísafirði, kt. 490671-0139, Ísafjarðarbær, kt. 540596-2639, Bolungarvíkurkaupstaður, kt. 480774-0279, Súðavíkurreppur, kt. 630269-4589 og Fræðslumiðstöð Vestfjarða, kt. 511199-2049. Tilgangur félagsins er að halda utan um rekstur stafrænnar smiðju, Fab Lab á Ísafirði. Starfsemi Fab Lab á Ísafirði mun á hverjum tíma vera í samræmi við áherslur Fab Foundation og svæðisbundnar áherslur. Með rekstri á stafrænni smiðju Fab Lab á Ísafirði er stefnt að því að auka þekkingu og áhuga á verk- og tækninámi í grunn- og framhaldsskólum, auka almennt tæknilæsi og skapandi starf og frumkvöðlamennt. Markmið verkefnisins er enn fremur að skapa vettvang fyrir þróun og prófun hugmynda og efla þannig samkeppnishæfni í nærsamfélagi.

Fab Lab á Ísafirði er hluti samstarfsnets Fab Lab smiðja á Íslandi og tengist jafnframt alþjóðaneti Fab Lab smiðja, Fab Foundation við Massachusetts Institute of Technology (MIT). Þeim samstarfsvettvangi er ætlað að tryggja þekkingaryfirfærslu og faglega þróun starfsmanna.

2. gr.

Hlutverk FabVest

FabVest gerir samning við Menntaskólann á Ísafirði um rekstur Fab Lab smiðju á Ísafirði. Samkvæmt þeim samningi mun Menntaskólinn á Ísafirði leggja til húsnæði fyrir Fab Lab, ráða verkefnisstjóra sem hefur umsjón með starfseminni. FabVest stuðlar að fræðslu og þjálfun kennara í grunn- og framhaldsskólum með árlegum námskeiðum á þessum þremur árum sem samningurinn nær til. Námskeiðin eru fræðsla í notkun á hugbúnaði fyrir Fab Lab ásamt fræðslu um notkun á tækjum Fab Lab smiðjunnar. FabVest sér til þess að nemendur og kennarar í grunn- og framhaldsskólum ásamt almenningi og fyrirtækjum fái aðgang að Fab Lab smiðjunni samkvæmt nánara samkomulagi.

3. gr.

Fjárhagslegt framlag sveitarfélaganna

Sveitarfélögin greiða árlega 5.363.098 milljónir króna á samningstímanum til FabVest, alls 17.073.957 kr. á samningstímanum, sem skiptist milli þeirra m.v. íbúafjölda næstliðins árs. Þessir fjármunir verða nýttir til að greiða Menntaskólanum Ísafirði fyrir þjónustusamning um rekstur Fab Lab á Ísafirði. Framlagið verður greitt 1. febrúar ár hvert.

4. gr.

Fjárhagslegt framlag háskóla-, iðnaðar og nýsköpunarráðuneytisins

Háskóla-, iðnaðar og nýsköpunarráðuneytið greiðir árlega 5 m.kr. til FabVest, alls 15 m.kr. á samningstímanum. Þessir fjármunir verða nýttir til að greiða Menntaskólanum á Ísafirði fyrir þjónustusamning um rekstur Fab Lab á Ísafirði. Greitt verður af fjárlagalið 17 – 528 – 19750 í tveimur jöfnum greiðslum á ári; 1. mars og 1. september.

Í upphafi samningstímans greiðir HVIN 2 m.kr. til smiðjunnar. Upphæðin er ætluð til tækjakaupa og / eða þjálfunar starfsfólks í notkun á nýrri tækni þ.á.m og skal nýtt á samningstímanum. Gera skal grein fyrir hvernig upphæðin er nýtt í ársskýrslum.

Ráðuneytið leggur framlag sitt samkvæmt samningi þessum inn á bankareikning í Íslandsbanka 056-26-568. Reikningseigandi er Menntaskólinn á Ísafirði, kt. 490671-0139.

Fjárhæðir í samningnum eru settar fram með fyrirvara um að taki fjárheimildir málasviðs og málaflokks breytingum í fjárlögum, sem hafi för með sér breytta fjárveitingu til verkefnisins munu samningsaðilar taka upp viðræður um aðlögun verkefnisins að breyttri fjárveitingu. Ef gerðar eru almennar aðhaldskröfur af hálfu ríkisins til tiltekins málaefnasviðs þá er ráðuneytinu heimilt að gera sömu kröfur til aðhalds í rekstri verkefna sem falla undir málaflokk samningsaðila.

5. gr.

Fjárhagslegt framlag mennta- og barnamálaráðuneytisins

Mennta- og barnamálaráðuneytið leggur Menntaskólanum á Ísafirði til árlega 5 milljónir króna, alls 15 kr. á samningstímanum, sem nýttir verða til reksturs Fab Lab Vest. Greiðslur til Menntaskólans koma í gegnum fjárlög á málaflokki 20.10 Framhaldsskólar.

Fjárhæðir í samningnum eru settar fram með fyrirvara um að taki fjárheimildir málasviðs og málaflokks breytingum í fjárlögum, sem hafi för með sér breytta fjárveitingu til verkefnisins munu samningsaðilar taka upp viðræður um aðlögun verkefnisins að breyttri fjárveitingu. Ef gerðar eru almennar aðhaldskröfur af hálfu ríkisins til tiltekins málaefnasviðs þá er ráðuneytinu heimilt að gera sömu kröfur til aðhalds í rekstri verkefna sem falla undir málaflokk samningsaðila.

6. gr.

Markmiðssetning, árangursmat og eftirlit með rekstri

FabVest skilgreinir markmið starfseminnar og gerir grein fyrir mælikvörðum árangurs. Til að fá samanburðarhæfar upplýsingar um starfsemi smiðja um allt land verða skilgreindir lykilmælikvarðar sem gera þarf grein fyrir í ársuppgjörum. Niðurstöður reksturs og árangursmats Fab Lab á Ísafirði skulu birtar í árlegri skýrslu sem send er samningsaðilum fyrir 15. febrúar ár hvert og skal hún jafnframt liggja frammi á heimasíðu skólans.

7. gr.

Svæðisbundið samstarf

Heimilt er að semja við fleiri aðila um þátttöku og samstarf um rekstur smiðjunnar s.s. hlutdeild í launa- og rekstrarkostnaði. FabVest hefur frumkvæði að því að afla nýrra samstarfsaðila og annast samninga við þá.

8. gr. Samningstími

Samningurinn gildir frá undirritun til ársloka 2026.

Ef misbrestur er á starfseminni eða rekstrinum hætt þá fellur þessi samningur úr gildi. Samningurinn leggur engar kvaðir á samningsaðila um framhald verkefnisins að samningstíma liðnum. Það er þó ásetningur samstarfsaðila að halda samstarfinu áfram til lengri tíma þannig að stafrænar smiðjur séu hluti af nýsköpunarþjónustu svæða. Gagnkvæmur uppsagnarfrestur er þrjú mánuðir m.v. mánaðamót.

9. gr. Meðferð ágreiningsmála

Ef ágreiningur rís um framkvæmd samnings þessa eða túlkun hans, skulu aðilar reyna að leita allra leiða til að leysa ágreininginn með friðsamlegum hætti. Takist ekki að leysa ágreiningsmál, skal það rekið fyrir Héraðsdómi Vestfjarða.

Samningurinn er undirritaður rafrænt. Aðilar hafa kynnt sér efni samningsins og hafa fullt umboð til að staðfesta hann með undirritun sinni.